

MAVRITANIA TINGITANA ab ortu terminatur Malua fluuio, & linea ducta à fontibus Maluæ vsque ad maiorem Atlantem, ab occasu mari externo quod & Oceanus occiduus dicitur, à Septentrione habet fretum Herculeum, & à meridie maiorem Atlantem, quo à Libya interiori separatur.

TRIPOLITANA prouincia ab ortu habet Aram Philenorum, & lineam ab ea ductam ad Libycas gentes, ab occasu Tritonem fluuium quo diuiditur à Bizacena, à Septentrione terminatur mari Africo, & à meridie desertis Libycis.

NOTITIA ANTIQVA EPISCOPATVVM AFRICÆ,

A C P R I M O,

PROVINCIAE PROCONSULARIS.



ARTHAGO Ptol. lib. 4. c. 3. Ab incolis hodie *Almenara. S.* *Cyprianus* Episcopus Carthaginensis toto orbe celeberrimus est.

SICILIBRA Antonino in Zeugitana, Siciliba D. August. l. 7. c. 3. contra Donatistas, in quo *Satius* Episcopus à Siciliba legitur.

MAXVLA Antonino in Zeugitana. *Numidius* Episcopus Maxulitanus est in Collatione Carthaginensi.

VALLIS Antonino in Zeugitana. *Quotius dei* Episcopi Vallitensis memoria est in eadem Collatione Carthaginensi.

VTHINA Ptolem. lib. 4. cap. 3. *Felicem* Episcopum ab Vthina habet D. August. lib. 6. contra Donatistas cap. 33.

TVBVRBO Ptolem. ibidem. *Sedatus* Episcopus à Tuburba subscripsit Concilio tertio Carthaginensi.

ABDERA Ptol. ibidem. *Felix* Episcopus Abdiritanus legitur apud Victor. Vticensem lib. 2.

ASSVRVS, vel Assuris Aethico in Cosmographia. *Victor* Episcopus ab Assuris subscripsit Concilio tertio Carthaginensi.

TVCABOR, alias Tucca Terebentina Anton. in Zeugitana. *Fortunatus* à Tucabori legitur apud D. August. lib. 6. contra Donatist. cap. 24.

ALTIBVRA, Altaburis Notitiæ Africae, Altiuros Antonino. *Basilus* Episcopus Altiburensis est in Collat. Carthag.

VAZVA, in confinibus Numidiæ & Proconsularis Ptolem. lib. 4. cap. 3. *Victor* Vazensis legitur in Collatione Carthaginensi.

AMMEDERA, Antonino in Numidia. *Eugenium* Episcopum ab Ammedera habet D. August. lib. 6. contra Donatistas cap. 39.

SICCA Ptol. lib. 4. cap. 3. *Candidus* huius Episcopus subscripsit epistolæ Synodicae prouinciæ Proconsularis, in Concilio Lateranensi sub Martino.